

PAULO Tÿ CARTA HAN: TIMÓTEO Mÿ CARTA Û

1 ¹Paulo tÿ rá vë. Topë ne inh fëg', isÿ tÿ Jesus Cristo apóstolo jë jé. Inh mÿ tóg tó, isÿ vënh kar mÿ ëg tÿ Jesus Cristo tugrín rínrír nÿtính ke tag tó jé. Topë tÿ ëg mÿ nén han sór mün hä vë.

²Isÿ inh kósin tÿ Timóteo mÿ rán hä vë, isÿ ù to há tävī nī ën mÿ. Ëg jóg tÿ Topë mÿ sóg to vī tī, ti tÿ ã tar han jé, ti tÿ ã jagāgtān jé, ti tÿ ã krī kuprāg jé ke gé. Ëg Senhor tÿ Jesus Cristo mÿ sóg tag to vī tī gé.

Paulo tÿ Topë mÿ vī há han

³Topë mÿ sóg vī há han tí. Ti hä mÿ sóg rānhrāj tí, inh jóg'jóg ve ag ri kén. To kygnë sór vānh inh nīgtī.

Ā tó sóg tí, sÿ Topë mré vēmén kÿ. To krónh ke tū inh nīgtī, kurā kar ki, kuty ki ke gé. ⁴Isīg kÿ ã tóg fÿ ja nī. Hä mī sóg ëkrég tí, hä kÿ sóg ã ve sór tävī nī, inh fe tÿ mrin ke jé. ⁵Jesus ki rā há han ã tóg nī, ã fe kar tÿ, ã vóvó tÿ Lóide fi ri ke, ã mÿnh tÿ Eunice fi ri ke. Fag ri ke han kÿ ã tóg ti ki rā gé, ki kanhró sóg nī.

⁶Hä kÿ sóg ã jyvën sór mü. Topë vÿ ã mÿ vënh rānhrāj nīm, isÿ inh nīgé tÿ ã kri fi ja nīn kÿ. Ēn to tar nīmnī. ⁷Topë vÿ ëg mÿ ã kuprīg jënë, ëg kanë jur tū nī jé, ëg tar nÿtī jé, ëg tÿ jagnë to há nÿtī jé, ëg tÿ vëso jykrén jé.

⁸Hä kÿ ëg Senhor to mÿ'äg tūg nī. Ti kāmén nī, kÿ inh kāmén nī gé, isÿ ti tugnīn se kÿ jë tag ti. Kÿ ã tÿ ti tugrín vësÿrénh ke tag kamëg tūg nī gé inh mré. Topë vī to ëg vësÿrénh tí, hä ra Topë tóg to ëg tar han tí gé. ⁹Ti hä ne ëg kren han', ti hä ne ëg kuprëg', ëg tÿ tÿ ti tū nÿtī jé. Ëg tÿ vësóg ki to vāsān pijé. Ti hä ne to jykrén', kÿ tóg ëg jagāgtān kÿ ëg kuprëg, Jesus Cristo tugnīn. Ëg tÿ ti ri ke há nÿtī jé tóg ëg kuprëg. Hä ra tóg nén kar han ke to há tag to jykrén ja nīgtī. ¹⁰Kÿ tóg ùri hä ëg mÿ tó, ëg kren han tí tÿ Jesus Cristo jënën kã. Ēn vÿ ëg ter ke tag tÿ tūg' hé, kÿ tóg ëg rínrír han mü sir, ëg tÿ ëg rír krÿg ja tū ve jé sir, ëg tÿ ti vī sér kri fi kÿ. ¹¹Kÿ tóg inh mÿ: “vënh kar mÿ inh vī tónh tūg,” he ja nī gé, sÿ tÿ ti apóstolo jë jé, sÿ ti vī tÿ vënh kar kanhrān jé. ¹²Hä kÿ sóg se kÿ jë ha. Hä ra sóg mÿ'äg ke tū nī. Ti ki rā kÿ sóg jë ha, ti ki kanhró sóg nī, sÿ ùn ki rā ja ën ti. Nén ù kar to tóg tar nī, hä kÿ tóg inh ki rír há han ki kanhró nī gé, sÿ ti mÿ vënh fëg kÿ, isÿ kurā tÿ ëgno pétëm há han jé.

¹³Isȳ nén tỹ ã kanhrân ja ên kã jatu tũg nĩ. Vênh vĩ há vễ, sỹ ã mỹ nén tó ja ti. Tag ki króm kỹ inh ri kén kãmén nĩ. Ti ki rã to tar nĩmnĩ, vênh kar to há nĩmnĩ gé, Jesus Cristo tỹ nén han ja ên ri ke han nĩ. ¹⁴Ti tỹ ã mỹ vênh rãnrãj nĩm ja ên ki rĩr há han nĩ, ù tỹ Topẽ vĩ tỹ ù han tũ nĩ jé. Topẽ kuprĩg vỹ êg kãki jamã nĩ. Ên vỹ ã tar han ke mũ, ã tỹ ti vĩ tó há han ke to.

¹⁵Ha vé, ga tỹ Ásia tá ke kar ag vỹ isovãnh kãn, Fígelo ke gé, Hermógenes ke gé. Tag mẽ ã hỹn huri. ¹⁶Topẽ mỹ sóg to vĩ tí, ti tỹ Onesíforo mré ke fag jagãgtãn jé, ùn tũg mũ ên ti. Iso há tãvĩ ti nĩ ja nĩgtĩ. Iso mỹ'ãg tũ ja ti nĩgtĩ, ise kỹ jẽ (hã) ra. ¹⁷Ti tỹ cidade tỹ Roma tag ki jun kỹ tóg inh jãvãnh tãvĩ han ja nĩ, kỹ tóg kejên inh ve ja nĩ. ¹⁸Êg Senhor hỹn ti jagãgtãn ke mũ, ti tỹ kurã tỹ êgno ki ti kren han jé, kỹ tóg inh mỹ sér tũnh mũ. Ki kanhró ã tóg nĩ, ti tỹ Êfeso tá inh ki rĩr há han ja ti. Sỹ ã mỹ Onesíforo jykre tón hã vễ.

Êg vãsãn ke

2 ¹Inh kósin!, Jesus Cristo ne ã tar han ke mũ!, kỹ krónh ke tũg nĩ. ²Inh vĩ mẽ ã, sỹ ùn e ag kanhrãnrãn kỹ. Tag tómnĩ gé, ù ag mỹ. Û tỹ krónh ke tũ ag mỹ tómnĩ, ù tỹ ã kóm ag kanhrãn ke to jykre há nỹtĩ ag mỹ.

³Êg tỹ Jesus tugrĩn vêsyrênh ke to tar nĩmnĩ inh mré, Timóteo!. Jesus Cristo soldado ri ke êg nỹtĩ. ⁴Soldado jykre tag to jykrén nĩ. Ag pi(jé) vyr mỹ jykrén tí!, soldado ag. Ájag pã'i vĩ ki hã han ag tóg tí, ájag pã'i tỹ ag to há nĩ jé. Hã kỹ ag tóg vyr mỹ ganho ve sór tũ nĩgtĩ. Soldado ag ri ke han nĩ gé, Timóteo!.

⁵Kỹ ù ag tỹ corrida han mũ ag jykre to jykrén nĩ gé. Ag corrida vỹ to vênh jykre nĩ. Corrida to vênh jykre ên hã han ag tí, ag tỹ ganhar ken jé. Û tỹ corrida han mũ ag ri ke han nĩ, Timóteo!.

⁶Kỹ êpỹ ki rĩr tí ag vỹ rãnrãj mág han tí gé, hã kỹ ag tóg krãn kỹ ti kanẽ ko tí. Ag ri kén ã tóg venh ke mũ gé, ã tỹ nén ve sór mũ ti, ã rãnrãj mág kỹ, ha vemnĩ.

⁷Tag to jykrén há han nĩ, sỹ ã mỹ tó mũ tag to. Kỹ êg Senhor vỹ ã tỹ to jykrén há tãvĩ han ke mũ sir. ⁸Jesus Cristo mĩ êkrén nĩ. Ti ter kar kỹ tóg rĩr mãn. Ti jóg'jóg ve vỹ tỹ Davi ja nĩgtĩ. Hã tó sóg tí, ti kãmén kỹ. ⁹Hã kỹ sóg se kỹ jẽ, ferro tỹ mỹr. "Ti hỹn tỹ ùn jykre pãno nĩ," he ag tóg tí iso, hã kỹ ag tóg ferro tỹ isé. Hã ra Topẽ vĩ pi(jé) se kỹ nĩ nĩ!. Tãmĩ tóg tí ha. ¹⁰Hã kỹ sóg ise kỹ jẽ (hã) ra ti to tar nĩ, Topẽ tỹ ùn kuprêg mũ ag jagfỹ, ag krenkren jé, ag tỹ Jesus Cristo ki ge tugrĩn, ag tỹ ti tugnĩn kanhkã tá junjun jé. ¹¹Vênh vĩ há vễ, tag tí, ha mẽ: êg tỹ ti tugrĩn kãgter mũ ra êg tóg ti mré rĩnrĩr mãn ke mũ gé. ¹²Êg tỹ ti tugrĩn nén ù jagy kar to tar nỹtũn kỹ êg tóg ti mré tỹ ùn mág nỹtũnh ke mũ gé. Êg tỹ ti tovãnh kỹ tóg êg tovãnh ke mũ gé. ¹³Êg tỹ ti to krónh ke tí ra tóg êg to krónh kenh ke tũ nĩ jãvo. Ti pi(jé) ón tí!, hã kỹ tóg êg to krónh kenh ke tũ nĩ gé, ti tỹ: "krónh ke tũ inh nĩ," hen kỹ.

Êg tỹ Topẽ rãnrãj han há han ke

¹⁴Tag tómnĩ, vênh kar mỹ. Tỹ ag jyvên nĩ, kỹ ag jyvên tar han nĩ gé. Topẽ vỹ ã vĩ mẽnh mũ. Ag mỹ: "êg kato tẽ mũ ag vĩ kafãn sór tũg nĩ," hemnĩ. "Jagnẽ vĩ kafãn pi(jé) êg tar han mũ!. Û tỹ tag mẽ kỹ tóg krónh ke sór mũ," hemnĩ ag mỹ.

15Vāsān ra, Topē tỹ ā rānhrāj to: “há ti nĩ,” he jé, ā tỹ ā rānhrāj to mỹ'āg tũ nĩ jé. Topē vĩ to vāsān nĩ, ā tỹ ki kanhrān há han jé, ā tỹ vēnh kar mỹ tó há han jé gé. 16Ū tỹ kanhir kỹ nén ũ kórég tó kỹ jēmē sór tũg nĩ, ũn vĩ (ka)mē ěn vĩ ti. Ū tỹ tag tó mũ ag vỹ Topē to kórég tāvĩ nỹtĩ, kỹ ag vĩ vỹ ag kókén ke mũ, kỹ tóg ag jykre pāno pē han mũ. 17Vēnh vĩ tỹ ge vỹ ěg kar kókén ke mũ, komēr hā, ti tỹ vēnh kar kri rũm ken kỹ. Vēnh kaga kórég tỹ vēnh kar kri rũm ke ri ke ti nĩ.

Ū tỹ vēnh vĩ tỹ ge han mũ vỹ tỹ Himeneu nĩ gé, Fileto ke gé. 18Tag ag vỹ un'ón tĩ, Topē vĩ to. “Rĩr mǎn ri ke han ěg huri, ěg tỹ Cristo ki gen kỹ, hā kỹ ěg rĩnrĩr mǎn ke tũ nỹtĩ ha, ěg ter kar kỹ, Jesus kǎtĩg mǎn kỹ,” he ag tóg tĩ. Ag tỹ tag tó kỹ ag tóg ũ ag tỹ Jesus to krónh ke han tĩ, kỹ ag tóg Cristo tovānh mũ ha ag tũgrĩn.

19Ěg tỹ ĩn han kỹ ěg tóg ti tỹ kri jě jafā ěn tar han tĩ. Ěn ri ke ti nĩ, Topē jykre ti. Jesus Cristo kǎme vỹ há nĩ, kỹ tóg tũg' henh ke tũ nĩ, ũ ag tỹ ón kỹ to vĩ mũ (hā) ra. Ěg tỹ ti ki ge kỹ nỹtĩn kỹ tag vỹ ěg to rán kỹ nĩ, ha mē: “ěg Senhor vỹ ā tũ ag ki kanhró nĩ,” he tóg mũ.

Kar kỹ tag vỹ rán kỹ nĩ gé, ha mē: “vēnh jykre pāno tovānh kǎn ra, ājag tỹ: inh Senhor vỹ tỹ ti nĩ, Jesus ti, he jé,” he tóg mũ. Cristo jykre to ken hā vē. Ón vānh ti nĩgtĩ.

20Ha vé, ĩn mǎg krēm kukrũ vỹ e nỹtĩ. Ū vỹ ouro tỹ há nỹtĩ, ũ vỹ prata tỹ há nỹtĩ. Kỹ ũ vỹ ka tỹ há nỹtĩ gé, ũ vỹ go'or tỹ há nỹtĩ gé. Kukrũ há vỹ tỹ vėjēn né nĩ, kỹ ũn kórég vỹ tỹ vǎfár né nĩ gé. 21Kỹ tóg ge nĩ, ũ tỹ kanhir kỹ nén ũ kórég tó (ka)mē ěn ag. Kukrũ kórég ri ke ag nỹtĩ. Hā kỹ Topē tóg ag mỹ: “inh rānhrāj han ra,” henh ke tũ nĩ sir. Ěg tỹ ti kórég tovānh kǎn kỹ ěg tóg kukrũ há ri ke nỹtĩ, kỹ Topē tóg ěg mỹ: “inh rānhrāj han nĩ,” henh ke mũ gé sir. Ti tũ vỹ tỹ ěg nỹtĩnh mũ, kỹ tóg ěg mỹ ā rānhrāj nĩm sór mũ, ěg tỹ han jé. Kỹ ěg tóg vēsýmēr han sór mũ sir, ti tỹ ěg mỹ tó kỹ, kỹ tóg Topē mỹ sér tĩ.

22Kyrũ ag vỹ nén ũ kar to ěn (ka)mē nỹtĩ. Ěn tovānh kǎn. Vēnh jykre há hā mĩ tĩg sórmnĩ. Jesus ki rā hā to jykrén nĩ, vēnh kar to há nĩmnĩ, krĩ kuprā nĩmnĩ, ũ tỹ ěg Senhor mré ke ag to, ũn jǎnhkri ag to, vēnh kar to ke gé.

23Ū ag tóg ón kỹ: “Topē hỹn tag tó sór mũ, ti tỹ ěn tó kỹ,” he sór ti. Topē tỹ nén tó vānh ěn tó sór ag tóg tĩ. Tag tũgrĩn jagnē to jũ tóg kutē tĩ, hā kỹ ag mré to jykrén sór tũg nĩ. 24Ū tỹ Topē mỹ rānhrāj tĩ jé vēnh kar to há nĩ. Ti tỹ kǎnhmar ag to jũn kỹ tóg tỹ ũ nỹ. Ti tỹ komēr hā vĩ kỹ tóg há tĩ, ag kanhrān jé, vēnh kar to fe há nĩn kỹ. 25Ū tóg ti vĩ kafān sór mũ. Ěn mỹ tóg vĩ há han ke mũ. Komēr hā tóg ag mỹ Topē vĩ tónh ke mũ, Topē tỹ ag jagǎgtǎn jé, ag tỹ ājag jykre tovānh kỹ, vēnh vĩ há hā nón mũ jé. 26Kỹ ag krĩ há nỹtĩnh mũ. Japo tũ vỹ tỹ ag nỹtĩ ja nĩgtĩ, ti tỹ ag se jan kỹ, ag tỹ ti rānhrāj han jé. Ag tỹ ti tovānh kỹ Topē tóg ag krenkren han ke mũ. Kỹ tóg ag tỹ Japo jykre tag to vēnh nenh to ag tar han ke mũ, ěg ke gé. Kỹ tóg há tĩ.

Kurā tỹ ěgno to hā vēnh jykre

3 1Tag to jykrén, ha mē. Ga tỹ tũ' henh ke to hā ěg tóg nén ũ jagy ve kǎn ke mũ. Vēnh kar tỹ vēnh jykre pāno han mũ ve jé ěg tóg ke mũ. 2Ājag jykre hā

han sór jé ag tóg ke mü. Nén ũ kar to én jé ag tóg ke mü, ag rico nýtí jé. “Tý inh ũn mág nĩ, tag han inh tí, tag han inh tí,” he jé ag tóg ke mü. Jagně to ví kónān jé ag tóg ke mü. Ājag panh ví ki hā han ke tú ag tóg nĩ. “Kórég ti nĩ,” he jé ag tóg ke mü, ũ tý ag mý nén ũ há nĩm mü ra. Topě to ag é henh ke mü gé. ³Jagně to jykre kórég ag nýtĩnh mü, ājag krě to ke gé. Jagně mý vėnh pāte fón ke tú ag nĩ gé. Jagně to ag un’ón ke mü. Věso jykren ke tú ag tóg nĩ. Ag tý ũ vóg kónān ký tóg ag mý sér tĩnh mü. Vėnh jykre há kato tē jé ag tóg ke mü. ⁴Ājag régre ag vatānh tá ag tóg ag to ví kónān ke mü gé. Ũ tý ājag jykre kórég to ag vóg kónān ke tag kaměg vānh ag nýtí. Věso ag tóg: “vėnh kar kāfór vỹ tý inh nĩ,” henh ke mü gé. Ag tý Topě to há nýtĩnh ke vė vė, hā ra ag tóg ājag tý nén to én mü ěn hā han sór ke mü. ⁵Ón ký ag tóg Topě to há nĩ ve nýtĩnh mü, hā ra ag tóg ti jykre han sór ke tú nĩ, ti tý ěg tar han tí tag vỹ ag mý há tú nĩnh mü. Ũ tý ge ag tovānh nĩ, vỹ.

⁶Ag kāmĩ ũ ag vỹ ĩn kar mĩ mũnh mü, ký ag tóg ũn týtá jykre tú fag mré vēmén sór ke mü, ũ tý Topě ví mranh tí fag, ũn én sór (ka)mě fag. ěn fag mý ag tóg vĩnh mü, fag tý ag ví ki han jé. ⁷Ón ký fag tóg vėnh kanhrān to tar nýtĩnh mü, hā ra fag tóg vėnh ví há ki kagtĩg nýtí, hā ký fag tóg ag ví ki han mü, ũ tý fag mý ón mü ag vĩn ki. ⁸Ũ tý fag mré vēmén mü ěn ag vỹ Topě ví kato tē nýtí, vėnh ví há ěn kato. Vāsý Janes vỹ Moisés ví kato tē ja nĩgtí, Jambres ti ke gé. Ag ri ke ag nýtí, Topě ví kato tē ag tóg tí, ũ tý fag nón mü ěn ag. Vėnh jykre pāno han (ka)mě ag tóg nýtí, krí tú ag nýtí. Ón ký ag tóg Jesus ki ge nýtí ve nĩ, ag tý ón ký ti ví tón ký. ⁹Hā ra ũn e vỹ ag ví kri finh ke tú nĩ, ha vemní. Vėnh kar vỹ ag krí tú tag venh ke mü, ha vemní. Janes mré Jambres ri ke han jé ag tóg ke mü. Vėnh kar vỹ ag krí tú ki kanhró ja nýtĩgtí gé, Janes mré Jambres ti.

Ěg tý Topě to tar nýtĩn ký ěg nén jagy vėnh ke mü

¹⁰Ag jāvo ā tóg inh ví kri fi há han tí, Timóteo! Isý nén han mü ěn ri ke han ā tóg tí gé. Isý nén ve sór mü ěn ve sór ā tóg tí gé. Isý Jesus ki rā ri ke han ā tóg tí gé. Isý koměr hā ví ri ke han ā tóg tí gé. Isý vėnh kar to há nĩ ri ke han ā tóg tí gé. ¹¹Ag tý inh vóg kónān ve ja ā nĩ gé, isý nén ũ jagy vėg tí ěn ti. Inh vóg kónān tý hėn ri ke han ja ag tóg, Antioquia tá, Icōnia tá, Listra tá ke gé. Ter kren pē han inh, tá. Hā ra ěg Senhor tóg inh jy nĩgān. ¹²Ha vé, ěg tý Jesus Cristo jykre mĩ mũn ký ěg kar tóg ag tý ěg vóg kónān venh mü. ¹³Ěg jāvo ũn jykre pāno ag vỹ koměr hā vėnh jykre pāno han kān ký nýtí, ũn un’ón mü ag ke gé. Ũ ag lograr ke ag tóg tí, hā ra ag tóg ag lograr ke tí gé, vėnh kato.

¹⁴Ag jāvo isý ā mý nén tó ja ěn mĩ tĩg nĩ, ā tý nén mē ja kar ěn mĩ, ā tý ki rā ký ě ěn mĩ. Isý ā kanhrān ja ěn to tar nĩmĩ. Inh jykre ki kanhró ā tóg nĩ. ¹⁵Ā sí kā ā tóg Topě ví mē, ā kónėg kā. ěn kā ā tóg Topě ví tý rán ký nĩ ěn mē. Topě ví tý rán ký nĩ ěn to jān ký ā tóg ki kanhrān mü, ěg tý Jesus Cristo ki rā tũgnĩn krenkren ke mü ti.

¹⁶Ũ tý hėn ri ke ag vỹ Topě ví ránrán ja nĩgtí. Hā ra Topě kuprĩg tóg ag mý tó ja nĩgtí, ag tý nén rán ke ti, hā ký ag tóg ránrán. Tí ví rán ký nĩ to ken ký ěg tóg vėnh ví há ki kanhrān mü, ký ěg tóg kāmén há han ke mü gé. Ěg mý tóg ěg tý kygně ja ěn ven tí, ký ěg tóg jagně mý ven tí gé. Tý Topě tóg ěg jyvėn mü gé,

ti ví rán k̄y n̄i ki, k̄y ěg tóg jagně jyvĕn ke mŭ gé. K̄y ěg tóg vĕnh jykre kuryj ki kanhrān t̄i gé, ti ví rán k̄y n̄i ki, ěg t̄y jagně m̄y tó jé. ¹⁷Topĕ tŭ v̄y t̄y ěg n̄yt̄i. Ti pi(jé) ěg t̄y vĕnh kygnĕ ve sór mŭ. ěg t̄y kygnĕg tŭ n̄yt̄in k̄y ěg tóg nĕn ũ kar há han to tar n̄yt̄i. Ti t̄y tag ve sór vĕ, há jé tóg ěg m̄y ā ví jĕnĕ ja n̄igt̄i.

4 ¹Inh kósin!, s̄y ā jyvĕn ke vĕ, ha mĕ, k̄y Topĕ v̄y mĕnh mŭ, Jesus Cristo ti ke gé, ũ t̄y vĕnh kar jykre tugn̄ym ke mŭ ěn ti, ũn r̄inr̄ir n̄yt̄i ag jykre, ũn k̄agter n̄yt̄i ag jykre ke gé. V̄yn ke m̄n jé tóg ke mŭ, ha vemn̄i, k̄y tóg t̄y p̄ā'i mág jĕnh mŭ, ha vemn̄i. ěg Senhor r̄inve sóg ā m̄y: ²“Topĕ ví k̄āmĕn ra,” henh mŭ. Kejĕn ag tóg mĕ sór t̄i, kejĕn ag tóg mĕ sór tŭ n̄igt̄i. Ge ra ag m̄y k̄āmĕn n̄i. Ag jyvĕn n̄i, ag m̄y ag t̄y vĕnh kygnĕ ja ěn tómn̄i, ag jyvĕn tar han n̄i, ag t̄y mĕ jāvānh k̄y. Ag jyvĕn to krónh ke tŭg n̄i, ag t̄y kejĕn Jesus ki r̄ā sór jé. Topĕ ví tó há han n̄i. ³Kurā t̄y ěgno to há ag tóg jĕmĕ sór ke tŭ pĕ n̄inh mŭ, vĕnh ví há ti, ha vemn̄i. K̄y ag tóg vĕnh ví kórég nón mŭ sór mŭ, ag t̄y nĕn to ěn mŭ ěn ti. ũ t̄y ón k̄y ag m̄y tónh ke mŭ ěn v̄y vĕme sér tónh ke mŭ, k̄y tóg ag m̄y sér t̄inh mŭ. ⁴Vĕnh ví há jĕmĕnh ke tŭ ag n̄i, há k̄y ag tóg vĕnh ó jĕmĕnh ke mŭ sir.

⁵Ag j̄avo nĕn ũ kar to jykren há han n̄i. Ā t̄y nĕn ũ jagy ve k̄y kato tar n̄imn̄i. Cristo to vĕme sér ěn k̄āmĕn n̄i, vĕnh kar m̄y. Ā r̄ānhr̄aj ki r̄ir há han n̄i gé.

⁶Ag h̄yn k̄ānhmar isĕn ke mŭ, Jesus Cristo tugr̄in. Hā ra tóg inh m̄y t̄y nĕn ũ tŭ n̄i. Jesus tugn̄in ke vĕ, iser ke ti, há k̄y tóg inh m̄y t̄y nĕn ũ tŭ n̄i. ⁷Kejĕn ěg tóg r̄ará t̄i, k̄y ěg tóg v̄āsān t̄i. ěg t̄y r̄ará to v̄āsān ri ke han inh, Topĕ r̄ānhr̄aj han k̄y. ěg t̄y carreira han k̄y ěg tóg v̄āsān tāv̄i han t̄i gé, ěg t̄y ganhar he jé. Vĕnhv̄o tāv̄i han ěg tóg t̄igt̄i. Tag ri ke han inh, is̄y Topĕ r̄ānhr̄aj han k̄y. Ti r̄ānhr̄aj han k̄ān inh huri. Ti ki r̄ā tovānh ja tŭ inh n̄igt̄i. ⁸Ũ t̄y carreira ki ganhar he mŭ ěn v̄y ka féj t̄y coroa ganhar he t̄i. ěn ri ke n̄im jé tóg ke mŭ inh m̄y, Topĕ ti, inh jykre kuryj to. N̄im han k̄y tóg n̄i n̄i, Topĕ t̄y inh m̄y nĕn n̄im ke mŭ ti, ag t̄y coroa vĕg mŭ ěn ri ke ti. Kurā ěn k̄ā tóg inh m̄y n̄im ke mŭ, ěg Senhor ti. Vĕnh kar m̄y ti n̄im ke mŭ gé, ũ t̄y ti k̄āt̄ig jāvānh k̄y n̄yt̄i ag kar m̄y.

Paulo t̄y nĕn ve ja

⁹Kuri inh venh k̄āt̄ig. ¹⁰Demas v̄y isovānh k̄y vyr. ěprā vĕnh jykre han sór ti n̄i, há k̄y tóg isovānh k̄y Tessalônica ra vyr. Crescente v̄y Galácia ra vyr, k̄y Tito v̄y Dalmácia ra vyr. ¹¹Lucas v̄y inhhā inh mré n̄i n̄i. Marcos pére k̄āt̄ig, ti t̄y inh r̄ānhr̄aj han jé. Tag to tóg tar n̄i. ¹²Tíquico jĕnĕ inh, ti t̄y ěfeso ra t̄ig jé. ¹³K̄y, ā k̄āt̄ig k̄y inh m̄y inh capa ma k̄āt̄ig. Tróade tá ti n̄i, Carpo ĩn krĕm. K̄y inh m̄y inh livro gé k̄āt̄ig gé, livro gr̄ingr̄in k̄y n̄yt̄i ěn mré há, nĕn ũ f̄ar ki rán k̄y n̄yt̄i ěn mré. Is̄y livro ěn venh há pĕ tóg t̄i.

¹⁴Alexandre, ũ t̄y ferro t̄y nĕn ũ kar han t̄i ěn v̄y iso kórég tāv̄i n̄i. ěg Senhor v̄y ti jykre kórég to ti vóg kónān ke mŭ. ¹⁵Ti kamĕg ra. Inh ví kato tĕ mág han tóg.

¹⁶Fóg t̄y p̄ā'i v̄y inh ki inh jykre jĕmĕ pin huri. ěn k̄ā ũ tóg inh mré ve ja tŭ n̄i. Isovānh k̄ān ag tóg. Topĕ m̄y sóg to ví t̄i, ti t̄y ag m̄y vĕnh p̄āte

fón jé. ¹⁷Ag jávo ãg Senhor vỹ isar han, ti tỹ inh mré tag kã jẽ nĩn kỹ. Hã kỹ vẽnũ kar vỹ ti vỹ mẽ huri, isỹ ag mỹ kãmén kỹ. Povo kar ag vỹ hur mẽ kãn. Kỹ ãg Senhor tóg inh jy nĩgãn, ag tỹ mĩg mỹ inh fón tũ nĩ jé. ¹⁸Inh jy nĩgãn mãn jé tóg ke mũ gé, Nén-Kórég tỹ isỹ hẽ ri ke tũ nĩ jé. Inh ki tóg rĩr há han ke mũ, sỹ kanhkã ra tĩg há han jé, ti nĩgja ra. Ti hã mỹ ãg vỹ há han ke mũ!. Kỹ tóg tũg! henh ke tũ nĩ, ãg tỹ ti mỹ vỹ há han ke ti. Amém.

¹⁹Priscila fi mré fi mén tỹ Áquila mã sóg ãkrég tĩ, Onesíforo mré ke fag mã ke gé. ²⁰Erasto vỹ Corinto tá nĩ nĩ. Jávo Trófimo tóg Mileto tá kaga nỹ ja nĩ, isỹ tá kãtĩ mũn kã.

²¹Kur kãtĩg mẽ han, prỹg tỹ kusa tá krỹg tũ ki. Êubulo vỹ ã mã ãkrég tĩ, Prudente ti ke gé, Lino ti ke gé, Cláudia fi ke gé, ãg régre kar ag mré hã. Ën ag vỹ ã mỹ abraços jẽnẽg tĩ.

²²Ëg Senhor mỹ sóg to vỹ tĩ, ti tỹ ã tar han jé, ti tỹ ãjag kar tar han jé gé.

Hã vẽ.